

فی ۱۲ صفر الحیر سنہ ۱۳۱۳

نومرو ۱۵ برنجی سنہ

و فی ۲۳ تموز سنہ ۱۰۸۱

مدیری : احمد رضا

محل ادارہ سی :

48, Rue Monge, Paris.

مکتبہ
مستوفی
مکتبہ

وشاورہم فی الامر

آیدہ ایکی دفعہ نشر اولنور

بر سنہ لک آہونہ بدلی قرق بش غروشدر

بر نسخہ سی ۲ غروشدر

عثمانی اتحاد و ترقی جمعیتک واسطہ نشر یاتیدر

تدوین و تدوین از کتاب اتکم ہندی سلدن

کرید حوادثی

بو هفته کرید جزیره سنک مواقع مختلفه سندن سکر اون مکتوب آلدق .
جمله سی عصیانک وخامت کسب ایتکه اولدنی بویه مستقله عبد الحمیدک
جباتندن ایلری کلدیکی تصویر ایدیور . دردنجی دفعه اولق اوزره ارباب
عصیانہ عفو عمومی اعلان ایدلیدیکی مجلس عمومیک درحال کشادیه ! و حقوق
حکمرانی به ایلشکرین هر درلو مطالب قبول و تصدیق ایدله چکنه دائر ورود
ایدن اراده سینه نشر و اعلان اولندی بیه حالده بیه سکونت آتاری کورلیور
بالعکس بویه متذللانه ارادهل اهل فسادى شمارنه رق قانلی وقوعاتلرک حدوثی
موجب اولور .

مکتوبک برنده شوبله یازیلور : « جزیرانک ۱۴ نجی کونی کیسامو
قضاسنک دوقولسی قریه سی جوارنده داراچا بیه سنده عساکر عثمانیه ایلہ
عصاة آراسته محاربه ظهور ایدوب صباحدن اقشامه قدر دوام ایتدی . اون
نفر شید و اونیر نفر مجروح واردر . خرسیتانلردن دخی الی کئی مقتول
و بش کئی مجروح اولمشدر ...

قدیه سنجاغنده خرسیتانلر طرفدن ایکی مسلم ذبح ایدلکه اهالی اسلامیه
دخی مقابله ایکی خرسیتان اولدیردیلر .

رسمویه تابع پاچو قریه سینه کیدن ایکی مسلمی بولده خرسیتان عاصیلری
طوتوب تلف ایتش و دریلری یوزلمشدر .

بز بویه آجیقلى حوادثلری طوبوب او قودجہ ایچمز قان اغلا یور . عصر-
لردنبری برآراده باشایان . عثمانی نامی آتنده اجتماع ایدن وطن فرداشرینک
خونریزانه معاملهلرینی یکدیگرینی بوغازلیوب دریلرینی یوزمک کبی سباعانه
حرکتلرینی ایشدیکه توپلرمز اورپرور . بو وحشتی هم انسانیه هم مدنیته
منافی کوربورز . فقط بیلورزکه بونلر هپ افراد ملتہ اخوتی تعلم ایدله چک
حکومت عادلانهک مفقودیتندن نشئت ایدیور . حکومتسزلک یوزندن ممالک
عثمانیهک هر طرفنده ناحق یرہ قان سیلیرلی آقیور . برمدان یغما آچیلش
اجانب جاویلر حاضرلانیور . کریدهدکی روم وطنداشرمزده متجدد استحصال
حقوق واسترداد حربیه چالیشجق یرده سائقه حرص و یأس ایلہ سورودون
آبرلق کبی سقیم و کندیلر همچون بیه مضر بر فکره خدمت ایدیورلر .

حائیدن مورود برمکتوبده دینورکه : « کچن بازار کونی ارباب فساد
ایفاککه سنجاغنک (فره) نام قریه سنده عقد جمعیت ایلہ مواد آتییه قرار
ویروب مجلس عمومی خرسیتان اعضا ره تبلیغ ایتمشدر . شوبلهکه : اولا
یونانستان حکومتک و دول معطمهک انضمام رایله بر خرسیتان والینک تعینی
تایا اهلای محلیه دن ملیسی عسکری تشکیلی تاللا مأموریتلرک نفوسه نسبتاً
تقسیمی رابعا دولت علیه ایلہ دول ساثره آراسته منعقد تجارت عهدنامه لرینک
کریده عدم شمولی . خامساً دولت عثمانیه بنوی یالکر اون بیک لیرا مقطوع
برکواعطاسی . جزیره ده برحکمه تمیز تشکیلی . بنغازیلرک طرد و تبعیدی .

اوروبایلر معرفتیه اصلاح محاکم ایدلسی . معین قلعہ لرده اقامت ایتک اوزره
جزیره ده یالکر دوت بیک عثمانی عسکری بر اقلما سی . مجلس عمومی مقررانتک
بلا استیذان والی طرفندن موقع احرا به وضعی وسائرہ کی حقوق سلطنت
و حکمرانی محو و پریشان و اهالی اسلامیهک راوبط مادیه و معنویه سی
مضمحل و بی نشان ایدیمی مطالب نامشروع و مضره دن عبارتدر . مجلس
عمومی خرسیتان اعضاسی ایسه بواساس اوزرینه بر لایحه قلعہ آلوب میدانه
قویتمشدر .

اعضای اسلامیه دخی بوکا قارشو شدتلی بر پروتستونامه قلعہ آلوب استانبولہ
ارسال و حکومت مختلفه قونسلوسلرینه تودیع ایتدیلر . اوروبایه قارشو اهالی
اسلامیه یی مهم کوسترمک ایچون خرسیتان عصائی طرفندن حدسز حسابسز
تعرضلر و قویلمشده در .

رسمویه تابع آماری و میلو بطومو قضالرنده کأن بالجله اسلام قریه لرله
جوامع و مکاتب خرسیتان احتیاجلیری طرفندن احراق بالنار ایدلیدیکی حکومتہ
وارد اولان تلغرافامه دن اکلاشیلدی .

۶ تموز تاریخی برمکتوبدن مقتبسدر : « دناث و خیاتی معلوم اولان
ایکینجی قومیسر واسیلاکی حایهک قلعہ قیوسی سمتدهکی خرسیتان اصنافه
دکانلرینی سد ایتدروب بعدہ ذکر کنارینه و قلعہ جوارینه بر قراج کئی
صالدرارق اسلاملرک خرسیتانلری قتل عامه قیام ایدلکالینی اعلان و اشاعه
ایتدیرمش و بونک اوزرینه خلق خوف و هيجانه دوچار اولمشدر . بوانشاده
قاطولا جوارندهکی روم خانه لرینک برندن آتیلان تشکک قورشونی طلعت
بیک خدمتجیسی یاره لیوب ایکی ساعت صکره وقاتی موجب اولمش ایسه ده
چوق شکر اهالی اسلامیه صوک درجه صبر و تحملی الدن بر اقا یوب سکونتی
محافظه ایلدی .

بردیگر مکتوبده شوبله اوقوندی : « اهالی اسلامیهک لیانده لنگر انداز
انکلیز و فرانسز سفان حربیه سی زیارت و اجنبیلرله مصاحبت ایتلرینی خوش
کورمین خرسیتان وطنداشرمز افکار عمومیه یی اسلام علیهنه چورمک ایچون
ذکر قیسنه چیقمش اولان فرانسز ضابطان بحریه سی اسلاملر طرفندن تحقیر
اولمشدر مآلنده صرف افترا دن عبارت بر تلغرافامه قلعہ آلوب یونانستان
طریقله فیغارو غزیه سینه کشیده و درج ایتدیردیلر . فرانسز سفان حربیه سی
قودانلری مذکور فقره کاذبه یی اوقوبجه (اگر بز بوراده اولسه ایدق بویه
بر تلغرافه بزده مع التأسف اینسانه جق ایدک) دیه حیرت و تأسف لرینی بیان
ایتدیلر .

« تموزک برنجی کونی مجلس عمومی کشاد ایدلدی . مستدعیاتک تنظیم
و تقدیمی وسیله سیله برمدت اجتماعک تعطیلی اعضای خرسیتانیه طرفندن طلب
ایدلدی . مستدعیات واقعه ک قبوله انتظار ایتک اوزره بش کشیدن مرکب
بر هیئت بر اقیلوب اعضای ساثره مرکز ولایتدن انفکاکه حاضر لاقمده در . »